



Մեկնարկում է «Պտղահատապտղային մշակաբույսերի սերմերի և տնկանյութի մասնագիտական հավաստագրողների և փորձորոշողների» դասընթացը

Եվրոպական միության Կանաչ գյուղատնտեսության նախաձեռնությունը Հայաստանում (EU-GAIA) ծրագրի շրջանակում իրականացվող «Սերմերի և տնկանյութի մասնագիտական հավաստագրողների և փորձորոշողների վերապատրաստման ծրագրի մշակում և իրականացում» նախագիծը կազմակերպում է պտղահատապտղային մշակաբույսերի սերմերի և տնկանյութի մասնագիտական հավաստագրողների և փորձորոշողների վերապատրաստման քառամսյա դասընթացը: Դասընթացն ուղեկցվելու է գործնական աշխատանքներով՝ մասնակիցներին ընձեռելով տեսական դասընթացների միջոցով ձեռք բերած գիտելիքները գործնականում կիրառելու և հմտությունները բարելավելու հնարավորություն:

Դասընթացի նպատակը

Վերապատրաստել պտղահատապտղային մշակաբույսերի տնկանյութը հավաստագրող մասնագետների և փորձորոշող-գյուղատնտեսների՝ բարելավելով մասնակիցների մասնագիտական որակավորումը, հմտություններն ու կարողությունները:

Դասընթացին կարող են մասնակցել՝

- Ագրոնոմիական կրթություն ունեցող մասնագետներ,
- Ագրոնոմիական կրթություն ունեցող ֆերմերներ,
- ՀԱԱՀ ագրոնոմիական մասնագիտություններ ունեցող դասախոսներ, ասպիրանտներ և մագիստրանտներ:

Դասընթացն անվճար է:

Դասերը կանցկացվեն շաբաթական 2 անգամ, երեկոյան ժամերին՝ 18:30-20:30:

Դասընթացի ավարտին մասնակիցները կկարողանան կատարել պտղահատապտղատու մշակաբույսերի

- մայրուտների փորձորոշում և որակական գնահատում,
- սերմնաբույսերի փորձորոշում և որակական գնահատում
- տնկանյութի փորձորոշում և որակական գնահատում,
- ներկրված տնկանյութի փորձորոշում և որակական գնահատում,
- սերմերի և տնկանյութի բուսասանիտարական վիճակի գնահատում:

Դասընթացին դիմելու համար անհրաժեշտ է ուղարկել CV-ն ստորև նշված էլիասցեով (մանրամասն նկարագրելով մասնագիտական աշխատանքային փորձը) և անցնել հարցազրույց:

Դիմելու վերջնաժամկետը **2022 թ. մայիսի 2-ն** է:

Հարցերի դեպքում խնդրում ենք կապ հաստատել էլիոստի approbators@gmail.com հասցեով կամ զանգահարել (37493) 901 478 հեռախոսահամարով:

*Նախագիծն իրականացվում է Եվրոպական միության Կանաչ գյուղատնտեսության նախաձեռնությունը Հայաստանում» (EU-GAIA) ծրագրի շրջանակներում, որը ֆինանսավորվում է Եվրոպական միության և համաֆինանսավորվում է Ավստրիական զարգացման համագործակցության կողմից:
Նախագիծն իրականացնում է Հայաստանի ազգային ագրարային համալսարանը:*



Այս հրապարակումը պատրաստվել է Եվրոպական միության և Ավստրիական զարգացման համագործակցության ֆինանսական աջակցությամբ: Բովանդակության համար պատասխանատվություն է կրում ՀԱԱՀ-ը, և պարտադիր չէ, որ այն արտահայտի Եվրոպական միության և Ավստրիական զարգացման գործակալության տեսակետները: